

輯編心水印城鹽

評註
國史讀本

新學制中等學校適用 清史上

上海世界書局出版

第十冊

評註

國史讀本卷十目錄

第四編 近代史

清史上

第一章 清之創興

- 一 太祖之開國……………一
- 二 滿洲諸部之合併……………四
- 三 扈倫諸部之征服……………五
- 四 初次伐明之役……………八
- 五 薩爾滸之戰……………一〇
- 六 遼瀋之建都……………一二
- 七 東海諸部之收服……………一四
- 八 朝鮮之征服……………一八
- 九 明清之攻戰一……………二〇

明清之攻戰二……………二三

第二章 前三藩之平定

- 十一 吳三桂之乞師……………二五
- 十二 世祖之入關……………二七
- 十三 李自成之平定……………二九
- 十四 張獻忠之平定……………三一
- 一 福王稱都之立國……………三三
- 二 弘光帝之廢亡……………三五
- 三 唐魯兩王之並立……………三八
- 四 東南義師之興起……………四〇
- 五 隆武帝之敗亡……………四二
- 六 魯王之敗亡……………四五

七 益王之敗亡……………四六

八 桂王之繼起……………四八

九 金李之反正……………五〇

十 雲貴之失陷……………五二

十一 永曆帝之滅亡……………五四

第三章 後三藩及臺灣之平定

一 後三藩之始起……………五六

二 吳三桂舉兵雲南……………五七

三 王輔臣關陝之變……………六〇

四 耿精忠舉兵始末……………六二

五 尚之信舉兵始末……………六四

六 孫延齡廣西之變……………六六

七 吳三桂之敗亡……………六八

八 鄭成功矢志復明一……………七〇

九 鄭成功矢志復明二……………七二

十 臺灣之立國一……………七四

十一 臺灣之立國二……………七六

十二 鄭氏之滅亡……………七八

第四章 西北外藩之平定

一 內蒙古之歸附……………八〇

二 外蒙古之臣服……………八三

三 準部之用兵一……………八六

四 準部之用兵二……………八八

五 西藏之平定一……………九〇

六 西藏之平定二……………九二

七 青海之平定……………九六

八 準部之二次用兵一……………九八

九 準部之二次用兵二……………一〇〇

十 準部之平定一……………一〇一

十一 準部之平定二……………一〇五

十二 土爾扈特之歸附……………一〇七

十三 烏梁海之歸附……………一〇九

十四 回部之平定一……………一一〇

十五 回部之平定二……………一二二

十六 回部之平定三……………一二四

第五章 西南外藩之平定

一 苗疆之平定一……………一二六

二 苗疆之平定二……………一二八

三 苗疆之平定三……………一二〇

四 金川之平定一……………一二三

五 金川之平定二……………一二四

六 緬甸之臣服一……………一二六

七 緬甸之臣服二……………一二八

八 暹羅之臣服……………一三一

九 安南之臣服……………一三二

十 尼泊爾諸國之臣服……………一三四

第六章 順康兩朝之政略

一 順治之初政……………一三七

二 諸王之黨爭……………一四一

三 世祖之政略……………一四四

四 康熙之初政……………一四六

五 南巡北巡之方略……………一四八

六 諸臣之朋黨……………一五一

七 儲位之翻覆……………一五四

第七章 雍乾兩朝之政略

一 雍正之嗣位……………一五七

二 年羹堯隆科多之獄……………一五八

三 諸王之獲罪……………一六〇

四 政事之修明……………一六三

五 邏察之嚴密……………一六五

六 鄂張田李之任用……………一六七

七 乾隆朝之政略……………一六九

八 和珅之蠹國一……………一七二

九 和珅之蠹國二……………一七四

第八章 康雍乾三朝之文字獄

一 文字獄之緣起……………一七六

二 莊廷鑑明史之獄……………一七九

三 戴震南山集之獄……………一八一

四 查嗣庭試題之獄……………一八二

五 曾靜呂留良文評之獄……………一八四

六 謝濟世註經之獄……………一八六

七 陸生楠論史之獄……………一八八

八 胡中藻詩鈔之獄……………一九〇

九 王錫侯字書之獄……………一九一

十 徐述夔遺書之獄……………一九三

評註 國史讀本卷十

第四編 近世史

清史上

第一章 清之創興

一 太祖之開國

滿洲之
崛起

三天女

愛新覺
羅

建國滿
洲

寧古塔
貝勒

中國山川，其維首在隴蜀，其尾沒於碣渤，扶輿清淑之氣，旁薄鬱積，歷數千年而有滿清。滿清者，蓋山海關以東，滿族之魁傑也。清代官書，祖詩人「生民立鳥」之義，謂「有三天女，游於吉林，長白山之圖們泊，其季女，因吞朱果而感生布庫里雍順，爲清之始祖。」其實不然。清之先世，蓋出於女真部族，女真爲古肅慎之轉音，卽金之族屬也。當金源末葉，有愛新覺羅布庫里雍順者，於長白山之東，鄂謨輝之野之鄂多里城，建國曰「滿洲」，是爲清人開國之始。數傳而後，至孟特穆，遷居赫圖阿拉，卽今之興京，而明之建州右衛也。又四傳至覺昌安，兄弟六人，築城分居，號寧古塔貝勒，是爲滿洲。

滿洲六部

六部之始

關外三衛

自蒙古滅金，通古斯族之勢力日衰，而長白山左右，尚有滿洲六部，潛滋暗長於建州右衛，以服事明。建州右衛，明之關外地也。明初滅元，分關外地爲三衛。一曰「建州衛」，一統滿洲六部及長白山三部。一曰「海西衛」，統扈倫四部。一曰「野人衛」，統東海三部，皆在今奉天吉林之間。其時明之疆圉，盡於今開原，鐵嶺，遼陽，瀋陽，海城，蓋平諸地，其東北皆爲其權力所不及。三衛之建，不過仿唐「羈縻州」之制，以略示羈縻而已。

努爾哈赤

當明神宗時，諸部互爭，扈倫在滿洲之北，其勢最強，而滿洲六部內之覺羅部，有努爾哈赤者，崛起於是時。努爾哈赤，覺昌安之孫，塔克世之子也。生於明嘉靖三十八年，生而英毅，有武略。國人稱之曰：「聰明貝勒。」年二十五，起兵吞併諸部，統一滿洲，建國稱尊，是爲清太祖高皇帝。

清太祖

評

三天女浴身之說，出於清代官書，三百年以爲不刊之典。其原因仍不外欲以神權惑人。蓋古來帝制與神權互相糅雜時代，例作此荒誕不經語，以示神奇。及帝王末造，往往有「願子孫生生世世，勿生帝王

家」之痛。而其代興者，則又與高采烈，自云「有命在天。」千古昏蒙，如出一轍。清起荒服，見解尤不免蒙昧。然此實形出庫布裡，雍順爲無父之兒，而後人輾轉附會，遂有以山東人王杲故事，附會雍順之母，使清人反無可自解，此又作僞者自作之而自受之也。

註

①【隴蜀】隴，卽甘肅。蜀，卽四川。崑崙山脈，經此兩省，分條而東。②【碣渤】碣，卽碣石，在今直隸昌黎縣西北。渤，卽渤海，在山東遼東間。崑崙山脈北條中條兩系終此。③【山海關】在今直隸臨榆縣。

④【生民玄鳥】見詩大雅。⑤【三天女】見王先謙東華錄。⑥【圖們泊】在吉林長白山上。

⑦【女真】一稱女直，在今吉林一帶。⑧【鄂多里城】今吉林寧安縣西，有覺羅村，相傳卽其地。⑨

【愛新覺羅】愛新於滿洲語爲金，覺羅爲族，猶言金族也。⑩【滿洲】其義有二解，一說出佛教，本印

度語，音近曼殊，譯言妙吉祥也。一說清室肇興時，舊稱所屬曰珠申，後改稱滿珠，卽古肅慎之轉音，後訛爲

滿洲，以洲字義近地名，假借用之也。⑪【孟特穆】卽肇祖皇帝。⑫【赫圖阿拉】卽今奉天興京縣。

⑬【建州右衛】在今奉天吉林間。⑭【覺昌安】卽景祖皇帝。⑮【寧古塔貝勒】寧古塔滿洲

語，謂六也。貝勒，猶言部長之義。⑯【開原鐵嶺等地】均今奉天屬縣。⑰【編廢州】編，馬絡頭也。廢

牛欄也。喻牽制也。唐開元時，蠻夷多內屬，卽其部屬爲編廢府州以控制之。⑱【塔克世】卽顯祖皇帝。

二 滿洲諸部之合併

尼堪外
嶺之肇

滿洲六部，努爾哈赤爲覺羅部長。覺羅部外，尙有蘇克素護河，渾河，完顏，董鄂，哲陳，五部。先是蘇克素護河部，有尼堪外蘭者，爲圖倫城主，頗效忠明室。陰與明總兵李成梁合軍攻古喀城。其城主阿太章京之妻，爲覺昌安之孫女。努爾哈赤之從姊也。覺昌安聞古喀有難，恐孫女被獲，卽偕其子塔克世，率兵往援。既至，入城助守。而尼堪外蘭給城民作亂，殺阿太，送款於明，並擒覺昌安父子誅之。

努爾哈
赤之復
仇

努爾哈赤時年二十五矣，聞之大怒，誓志復仇。先遣使詰明邊吏，明謝誤殺罪，歸其祖與父之喪，賜敕三十道，馬三十匹，封努爾哈赤爲龍虎將軍，建州左衛都督。努爾哈赤曰：「害我祖父者，尼堪外蘭也，當先滅之。」遂以萬曆十一年，以其遺甲十三副，攻圖倫城。尼堪外蘭退保甲版，又被迫走撫順，欲入明邊。明邊吏懼啓釁，逐之，遂逃鄂勒琿，築城居之。以中隔董鄂渾河諸部，追兵不能及。努爾哈赤因改變行軍方略，用兵先自近部始。於是首攻蘇克素護河之瓜爾佳城，次攻渾河之貝琿城，哲陳之託摩城，及董鄂部，皆克之。遂越諸部，進迫鄂勒琿。尼堪外蘭復逃入明。努爾哈赤以「執付仇人」

克蘇克
素護河
克渾河
克哲陳
克董鄂

克完顏
克鴨綠
江

請明邊吏執尼堪外蘭送努爾哈赤軍斬之。並歲賜銀八百兩，蟒緞十五匹。開撫順、清河、寬甸、饒陽四口，爲通商所。冀以結其歡心。努爾哈赤復乘勝攻克完顏部，於是五部皆服。越四年，又服長白山之鴨綠江部，兵威益振。駸駸然合大東而奄有之矣。

註

①【覺羅部】爲滿洲六部之一，六部俱見下表。

②【圖倫城】在今吉林省治西南五百六十里。

③【古塔城】在吉林省治西南五百五十里。

④【撫順】今奉天撫順縣。

⑤【鄂勒琿】在今黑龍江省治西南。

⑥【董鄂渾河諸部】俱見下表。

⑦【撫順清河寬甸饒陽四口】撫順見上。

清河，堡名，在興京縣西南。寬甸，今奉天寬甸縣。饒陽，堡名，在今奉天鳳城縣北。

⑧【大東】東三省亦稱大東。

稱大東。

三 扈倫諸部之征服

滿洲初起時

建州							衛
長白山			滿洲				部
珠舍哩	鴨綠江	納殷	哲陳	董鄂	完顏	渾河	名號
奉天臨江縣北	奉天鴨綠上流北岸	奉天長白縣境	奉天柳河縣東	奉天通化縣北	吉林敦化縣西	奉天興京	今地

海西爭長

九國聯軍

古喀山之戰

努爾哈赤之用兵也，先自近部始。其始攻克滿洲五部，繼乃北向，與海西諸國爭雄長。初，海西衛中，葉赫部最強，爲塞外諸國盟主。及努爾哈赤統一滿洲，又收鵬綠江部，盡有其衆，疆土日擴。葉赫酋長納林布綠忌其強，乃遣使滿洲，以均勢之說相要挾，曰：「扈倫四部，言語相通，勢同一國，今所有國土，爾多我寡，盡割地與我。」努爾哈赤不應。納林布綠乃糾合扈倫四部，及蒙古之科爾沁、錫伯、卦勒察三部，長白山之珠舍哩、納殷二部，共計九國，聯軍同盟，衆凡三萬，分三路來攻，陣於渾河北岸。

努爾哈赤聞聯軍兵至，引兵至扎喀城，乘城觀之。謂諸將曰：「烏合之衆，其心不一，殲其前鋒，必退。因而乘之，蔑不勝矣。」乃移軍疾馳二百里，至古喀山，據險而陣，發百騎挑戰。葉赫西城酋長布寨、科爾沁酋長明安，先衆突進，布寨馬觸木路，努爾哈赤兵卽

諸部表

海西			野東		
扈倫			人海		
輝發	哈達	葉赫	烏拉	渥集	瓦爾喀
奉天輝南縣地	奉天海龍縣西境	奉天東遼河流域	吉林省城	吉林寧安東北窩集地	吉林延吉縣北境
					庫爾喀
					吉林寧古塔河流域

諸部服

減哈達

減烏拉

減輝發

建國大

金都興

定都興

京

斬之。乘勝長驅，明安陷淖，易馬遁，聯軍遂大潰。努爾哈赤遂北數十里，斬首四千級，諸部大震，先後屈服。納林布祿不得已，納其女以和。此明萬曆十九年事也。

未幾葉赫復叛，與哈達同謀抗拒。努爾哈赤怒，乃發兵先擊哈達，克其城，滅之。繼又滅烏拉輝發二部，又北略東海諸部，兵力益強，疆土大拓，因製國書，定旗制，規模宏遠，帝業已成。萬曆四十四年正月朔，滿洲諸貝勒大臣奉表勸進，尊努爾哈赤爲「覆育列國英明皇帝」，立國號曰「大金」。建元天命，定都興京。

評

清之先，本出於金代女真部族。太祖努爾哈赤初建國號曰大金，旋以區別於前代之金，改稱後金。此事見日本人所記清初國事甚夥，如三島雄太郎之支那近三百年史及稻葉君山之清朝全史等，言之甚詳。今奉天盛京城撫近門之扁額，尙有大金字樣。而清代官書，皆深諱之。其諱稱大金，實自太宗皇太極始。皇太極承太祖基業，復加開拓，其後疆域日廣，境內包有蒙古人，漢人，朝鮮人，及西藏人等，不止女真一族。大金國號，不適於對待外族之用；且漢人對於金人，素多惡感，尤與招徠漢族爲非宜。因於即位後之第十年，改國號爲清，並將前此之文書部面書大金者，一律改爲滿洲，滿洲音近曼殊，本佛名號，意謂清之帝主，爲佛之化身，用以籠罩各族之人心，較大金爲廣大。自此滿清一代三百年官私文字，咸稱崇德以前爲滿

洲。而大金及後金諸名稱，遂無依據。最可怪者，清之部族，實爲女真，女真起於遼，後避遼興宗諱，改稱女直。歷金元皆稱女直，至明復舊稱爲女真。而清人自認滿洲爲其部族，不認女真。故修明史時，凡遇女真事，皆削去之。尤奇者，字典注中，凡女字真字直字下，皆無女真女直等字樣。韻府亦不收女真女直字樣。滿洲源流攷，徧詳東夷各部族，獨無女真專條。僅於文字中一見女真字樣。清歷世示人以不廣，以故載筆之臣，小廉曲謹，以媚一人，甯失史家之實，無犯溫樹之戒，由今思之，可謂陋矣。

註

①【葉赫部】見上表。

②【渾河】即古小遼水，自遼外流入，經奉天興京縣北境，西流至瀋陽縣

南，入太子河。

③【札喀城】在今興京縣西北。

④【古喀山】在札喀城東北。

⑤【興京】今奉天

興京縣。

四 初次伐明之役

海西四國，已平其三，惟葉赫恃明之援，負固不服。努爾哈赤惡之。初，明人之設海西衛也，分南北二關，以哈達爲南關，葉赫爲北關。哈達既滅，南關已失，所恃者惟葉赫北關。而北關倡處開原鐵嶺，尤邊疆之屏蔽。薊遼總督蹇達，亟上疏陳東方隱憂，不可不早爲之備。於是神宗乃屯重兵於開原，而以火器兵助葉赫防守，爲犄角之勢。葉赫既恃

葉赫負固

南關

北關

大舉伐明

七大恨告天

國撫順

克清河堡

明之援，與滿洲抗衡，而明亦倚葉赫之強，爲遼東之保障。

努爾哈赤乃聚諸貝勒謀曰：「葉赫恃明之援，今若先圖葉赫，則明兵擣我之虛，不若大舉伐明，先挫明兵，然後再圖葉赫。」諸貝勒曰：「善。」遂於萬曆四十六年，興師伐明，臨行，以七大恨告天曰：「我祖父未損明一草寸土，明邊吏輕信尼堪外蘭之言，無故啓衅，殺我祖父一也。設碑勒誓，明不遵守，逞兵越界，衛助葉赫二也。明以擅殺爲詞，拘我使臣，脅取我十人，抵罪邊境三也。明助葉赫，致葉赫背約，以其許字滿洲之女，改適蒙古四也。我滿洲累世所守疆土，耕田藝穀，明不許刈穫，遣兵驅逐五也。葉赫渝盟召衅，明乃偏信其言，遺書詬詈，肆行慢侮六也。哈達助葉赫，兩次來侵，既被征服，又脅我復其國土七也。」遂進軍，圍撫順，降其守將李永芳，夷其城而還。是年秋，復進軍克清河堡，全遼大震。明神宗起楊鎬爲經略，合朝鮮葉赫兵，共四十七萬，以禦努爾哈赤之兵。

註

①【葉赫】今奉天東遼河流域。

②【哈達】今奉天海龍縣西境。

③【開原鐵嶺】俱今奉天

屬縣。

④【諸貝勒】猶言諸部長。

⑤【撫順】今奉天屬縣。

⑥【清河堡】在奉天與京城西南。

五 薩爾濟之戰

楊鎬四路出師
杜松中路
李如柏中右
馬林北路
劉綎南路
杜松輕敵

薩爾濟山之戰

杜松敗死

萬曆四十七年春，明遼東經略楊鎬，集兵瀋陽，分四路出師。山海關總兵杜松出中路之左，由渾河入撫順關，廣甯道張銓監之。遼東總兵李如柏出中路之右，由清河入鴉鵲關，遼陽道閻鳴泰監之。開原總兵馬林出北路，由開原會葉赫兵，出三岔口，開原道潘宗顏監之。遼陽總兵劉綎出南路，會朝鮮兵入寬甸，海蓋道康應乾監之。而以遊擊崔一琦，別監朝鮮兵，合趨滿洲都城。號四十七萬。期以三月一日，會二道關並進。會大雪，兵不能前，師期洩。杜松欲首立功，先期渡渾河，連克三小砦，遂乘勝趨薩爾濟谷口，以三萬衆屯薩爾濟山，而自引兵二萬攻界藩。時努爾哈赤，方築界藩城，役夫萬五千，以精騎四百護之。聞松軍至，伏精騎谷口以待。俟松軍過，伏發，尾擊之。至界藩渡口，以役夫千人相助反攻。而自率六旗兵，直趨薩爾濟山大營。甫戰，日未昃，忽大霾晦，咫尺不相辨。明兵列炬以戰。努爾哈赤，自暗擊明，萬矢雨集，發無不中。而明兵由明擊暗，銃礮皆中林樹。遂乘晦，拔柵踰塹，佔領薩爾濟山，潰其軍三萬。松聞耗來援，山上兵據高馳下，與山下兵夾攻，衝松軍爲數隊。松中矢死。

全軍盡覆。

馬林遁走

李如柏潰散

劉綎戰死

朝鮮兵降

葉赫被滅

此中路左軍也，北路馬林兵出三岔口，聞松軍敗，結營自固。努爾哈赤乘高奮擊，林大敗，遁走開源。潘完顏力戰死。鎬聞耗，立檄止如柏、劉綎兩軍，如柏至虎欄關，滿洲守兵二十人見之，登山鳴螺，作大軍追擊狀。如柏軍大潰，奔走相蹴，死者數千人。時劉綎已深入三百里，至深河，克三砦，不知松軍之覆沒也。整衆前進，登阿布達哩岡。會努爾哈赤兵，亦登岡出其上，而別以一軍趨綎西，岡上軍自高馳下，趨綎西者，復從旁夾擊，已乃張松旗幟，被其衣甲以紿綎，綎軍大亂，力戰死。綎驍將也，既戰死，明師喪氣。康應乾及朝鮮兵，營富察之野，努爾哈赤移師邀擊，大破之。應乾僅以數百騎免。一琦敗走朝鮮營，朝鮮帥懼，率衆降，一琦投崖死。

馬林既走開原，努爾哈赤移師攻之，遂乘勝取開原鐵嶺。是年八月，進兵葉赫，葉赫不能支，遂被滅。於是明之南北兩關皆失。

〔圖〕

薩爾滸之役，明人傾全國之力，及朝鮮、葉赫精銳，同時深入，努爾哈赤兵不過數萬人，並力破其一路，閱五日而三路皆破。士卒損傷，僅數百人，而明之宿將猛士，一朝俱盡，明清之興亡，兆於此矣。乾隆帝御製

己未薩爾滸山之戰，書事有云：「爾時草莽開基，篳路藍縷，地之里未盈數千，兵之衆弗滿數萬，惟是父子君臣，同心合力，用能破明二十萬之師。由此克遼東，取瀋陽，王基開，帝業定。」則此役所關，可以概見。

註

①【瀋陽】今奉天瀋陽縣。

②【渾河】見上第三。

③【清河】即清河堡，見上。

④【鴉鶻關

】在清河東南，關之東有喜昌口。

⑤【開原】今奉天屬縣。

⑥【三岔口】在今奉天海城縣西。

⑦

【寬甸】今奉天屬縣。

⑧【滿洲都城】即興京。

⑨【二道關】在今興京縣西。

⑩【薩爾滸】站

名，在興京縣西北。

⑪【界藩】城名，在興京西北鐵背山上。

⑫【深河】在寬甸縣東北。

六 遼瀋之建都

扈倫四
國平

熊廷弼

袁應泰

招降蒙
古

自薩爾滸大戰後，努爾哈赤移師滅集赫，於是扈倫四部皆平，凡言語相同之國，盡歸於一，而明之邊外地，並爲滿洲有矣。敗報抵燕京，明廷大震，詔逮楊鎬治罪，以熊廷弼代之。廷弼富將才，有膽略，既受命，躬巡戰地，爲守禦計，召集散亡，修葺城堡，數月之間，守備大固，滿洲不能入，而忌者爭劾之。廷弼乞罷，代以袁應泰。應泰故循吏，非治邊才。既至軍，悉反廷弼所爲，一以寬柔矯之。會蒙古大饑，諸部多入塞乞食，應泰奏請收撫，招降數萬人，分處遼瀋兩城，優其廩食，與民雜居，欲倚爲助，而